



Kamis, 02 November 2023

Ogen : Juna 1: 4-10



Ertoto Man Tuhan



Lit denga kecenderungen maka kalak ertoto man Tuhan tupung reh perbeben ku tengah-tengah geluhna. Ertoto jarang denga nge jadi sada kebutuhan penting i bas kiniteken. Arusna kai pe dahin-dahin si ilakoken, bage pe perdalenen ku kuta si ndauh, ertoto min kita ope lenga menaken dahin e bage pe ope lenga berkat ku kuta si ndauh. Tentu alu tujun, segelah perdalinen ras pendahhinta i pasu-pasu Tuhan. Tapi bagi Juna ras kerina kalak si i bas kapal e, uga ningen ia ertoto man Tuhan. Adi enterem labo ia nandai Tuhan si mbelin e. Juna pe ingkar janji ras ingkar tugas nandangi Tuhan maka lompat ia ku Tarsis. Tunduh ia tupung kapal e berkat. Tentu kenca ipereh Tuhan angin si meter ku lawit ras galumbang si merawa menam erbanca pecah kapal e, je maka kerina nggo serko ras mbiar mindo penampat man dibatana sekalak-sekalak. E maka sekalak ngerana man Juna, "kuga maka kam tunduh saja? Kekeken, ertotolah man dibatandu, mbera-mbera iperdiatekenna kita, maka ola kita bene?" Arah kai si ipeseh kalak enda man nabi Juna teridah maka pertoton e ergegeh kal janah banci nelamatkan kita i bas mara nari. Aminna pe ia labo kalak si tek man Dibata si isembah Juna, tapi lit pengarapenna maka arah pertoton sekalak-sekalak man Dibatana pasti reh keselamatanen i bas situasi sulit paksa e.

Kepeken Moria singkelengi Tuhan, pertototonta banci saja maba kelepasen man kalak si tertaban i bas perbeben si nderpa geluhna. E maka tetaplah ertoto man Tuhan i bas kerina perdalinen geluh ras pendahhinta. Tek kita arah pertotonta sekalak-sekalak kita tetap iujuri Tuhan janah mari ka kita ertoto labo terjeng dirinta saja tapi pe man kalak sideban ka.